

„დერეფნის“ და „მაგისტრალური გაზსადენის“ ინტერკონექტორის პროექტი ევროკავშირის ენერგოუსაფრთხოებისათვის

ზურაბ გარაკანიძე

ეკონომიკის დოქტორი, ასოცირებული პროფესორი,
დავით აღმაშენებლის სახელობის
საქართველოს ეროვნული თავდაცვის აკადემია

INTERCONNECTOR OF THE SOUTHERN GAS CORRIDOR AND THE NORTH-SOUTH MAGISTRAL GAS PIPELINE FOR THE EU ENERGY SECURITY

Zurab Garakanidze,

Ph.D (Economics),

Assoc. Professor, D. Agmashenebeli

Military Academy of Georgia

SUMMARY

The place where the western routes of Russian, Iranian and Caspian gas intersect, - is Georgia. Namely, the “North-South Magistral Gas Pipeline” passes through Georgia, which runs from the Russian city of Mozdok through the territory of Georgia to Armenia. It intersects in the Jandara village of Gardabani Municipality with the South Caucasus Pipeline (SCP) of the EU’s Southern Gas Corridor, which has transporting gas from the Caspian Shah Deniz field since 2007. Georgia receives as a transit duty in the form of free gas from the SCP gas pipeline in the amount of 5% and 5% at a reduced price until 2026. The “North-South Magistral Gas Pipeline” consists of two pipes - the diameter of the main pipe is 1200 mm, the spare pipe is 700 mm. Today, fuel flows to Armenia through the main pipe of this gas network. A 700 mm pipeline can be used to supply Russian gas to Armenia, and the main 1200 mm pipeline can be used to export Iranian and Russian gas to the EU through the SCP via Georgia. If the 1200 mm gas pipeline in Gardabani is connected to the SCP, then it could possibly become a new route for Russian gas exports to Europe. This gas, passing through the SCP, further along the Trans-Anatolian (TANAP) and the Trans-Adriatic (TAP) Pipelines, will pass from Turkey to Europe. And the second end of this (1200 mm) Magistral gas pipeline, via the Armenian gas network can be used to reverse Iranian gas to the SCP/Magistral Gas Pipelines’ Interconnector. This alliance will make Russian, Iranian and Azeri gas export projects complementary, - as a result of which Georgia may benefit as a gas HUB.

Key word: EU SGC, Caspian gas, Georgia, Pipelines, Interconnector.

* * * *

2023 წლის ივნისში - „ვაგნერის“ აჯანყებამდე, კრემლის მიერ გაკეთებულ განცხადებაში ნათქვამია, რომ ერდოლანმა პუტინი თურქეთში მიიწვია. თუმცა შეხვედრა 2023 წლის 4 სექტემბერს რუსეთში, ქ. სოჭში გაიმართა და არა თურქეთში. შეხვედრის მთავარი თემა შავი ზღვის მარცვლეულის დერეფნის შეთანხმება იყო. რა თქმა უნდა, ენერგეტიკაზეც იყო საუბარი. ორივე ლიდერი ბუნებრივ აირთან და ბირთვულ საკითხებთან დაკავშირებულ აქტუალურ საკითხებს შეეხო. თუმცა, ისევე, როგორც 2023 წლის მარტში პუტინისა და ჩინეთის პრეზიდენტის სი ძინპინის შეხვედრისას მოსკოვში, სოჭშიც, ენერგეტიკის პრობლემასთან დაკავშირებული ინიციატივების ავტორი მასპინძელი იყო.

უკრაინის ომის გამო დასავლეთის მკაცრი ემბარგოს ფონზე, რუსეთის შემოსავალი ნიაღისეული საწვავიდან თანდათან მცირდება. ომის დაწყების შემდეგ ეს შემოსავლები თითქმის მესამედით შემცირდა. უფრო მეტიც, უკრაინის კრიზისის მოგვარების შემთხვევაშიც კი, რუსეთიდან იმპორტი, დიდი ალბათობით, ვერასოდეს მიაღწევს უწინდელ დონეს, - ევროპაში ნიაღისეული საწვავიდან განახლებად ენერგიებზე ქვეყნების მასიურად გადასვლის გამო. გარდა ამისა, ევროპის ნდობა რუსეთის მიმართ ენერგეტიკულ ვაჭრობაში სერიოზულად შეირყა და რუსეთისთვის მისი აღდგენა ადვილი არ არის.

რამდენადაც სანქციები მკაცრდება და შემოსავლები მცირდება, შეგვიძლია ვინინასწარმეტყველოთ, რომ რუსეთს შესაძლოა მოუწიოს დათმობების გაკეთება მომხმარებლებთან. მით უმეტეს, თუ თურქი მომხმარებელი არ გამოირჩევა ენთუზიაზმით, როგორც ჩინეთის შემთხვევაში, ასევე სავარაუდოა, რომ რუსეთს გაუჩნდება მოულოდნელი იდეები. როგორც ჩანს, მათ შორისაა თურქეთში გაზით ვაჭრობის რეგიონული ცენტრის - „ჰაბის“ დაარსების იდეაც.

ბოლო წლებში თურქეთი, ქვეყანა, რომელთანაც რუსეთს ყველაზე კომფორტული კომუნიკაცია აქვს, სულ უფრო მეტად ხდება გადამწყვეტი მოთამაშე ნიაღისეული საწვავით ვაჭრობაში. უკრაინაში ომის დაწყების დღიდან თურქეთი რუსე-

თიდან ნავთობპროდუქტებისა და თხევადი გაზის (LNG) ერთ-ერთი მთავარი იმპორტიორია; ის მეორე ადგილზეა - მილსადენებით გაზის იმპორტით; მეოთხე ადგილზე - ქვანახშირისა და ნავთობის იმპორტით და მერვე ადგილზე LNG-ის იმპორტით. 2023 წლის ივლისში თურქეთი იყო წიაღისეული საწვავის სიდიდით მესამე იმპორტიორი რუსეთიდან ჩინეთისა და ინდოეთის შემდეგ და მისი იმპორტი უფრო მეტი იყო, ვიდრე მთელი ევროკავშირის წევრი ქვეყნებისა, ერთად აღებული.

ყველა ამ მიზეზის გამო, რუსეთის ენერგეტიკული განტოლება ახლა ძალიან განსხვავდება იმისგან, რაც იყო 2022 წლამდე და მან უნდა შეიმუშაოს ახალი სტრატეგიები ამ ახალ რეალობასთან ადაპტაციისთვის. თუ ეს არ გაკეთდა, უახლოეს წლებში ენერგეტიკული შემოსავლების შემცირების გამო, შესაძლოა მოსკოვს სერიოზული პრობლემები შეექმნას.

სიტუაციის გაცნობიერებით, მოსკოვი ცდილობს შეავსოს ევროპის მიერ დატოვებული სიცარიელე აღმოსავლეთის, განსაკუთრებით ჩინეთისა და ინდოეთის მომხმარებლებით. თუმცა, როგორც ჩანს, ძნელია ტრანსფორმაციის მიღწევა მოკლე ან საშუალოვადიან პერსპექტივაში, დასავლეთისკენ დიდწილად უკვე ჩამოყალიბებული საექსპორტო ინფრასტრუქტურისა და ახალ კლიენტებს შორის შეუთავსებლობის გამო.

ამიტომ, როგორც ვაჭრობის მოცულობის, ისე გეოპოლიტიკური პოზიციის გათვალისწინებით, თურქეთი გახდა ერთ-ერთი პრიორიტეტული ქვეყანა, საიდანაც რუსეთს შეუძლია ისარგებლოს ომის იმ ნეგატიური ზემოქმედების შესამსუბუქებლად, რომელსაც იგი განიცდის. ამ კონტექსტში უნდა შეფასდეს თურქეთში გაზის „ჰაბის“ დარსების პუტინისეული პროექტი (მან ის პირველად 2022 წლის 28 სექტემბერს ქ. ასტანაში გააჟღერა), რომელსაც დროდადრო ახსენებდა მას პრეზიდენტი ერდოღანი და რომელიც პუტინმა პირველად ახსენა დაახლოებით ერთი წლის წინ, „ჩრდილოეთის ნაკადის“ გაზსადენებზე განხორციელებული დივერსიების შემდეგ. გარდა ამისა, მან განაცხადა, რომ გაზპრომმა მიაწოდა თურქულ სახელმწიფო კომპანია BOTAS-ს „ჰაბის“ შექმნის საგზაო რუკა. ერდოღან-პუტინის შეხვედრის წინა თვეებში ეს საკითხი მუდმივად იდგა რუსეთის ოფიციალური პირების დღის წესრიგში. ამის შესახებ ასევე ისაუბრა რუსეთის საგარეო საქმეთა მინისტრმა სერგეი ლავროვმა, რომელიც შეხვედრის წინ თავის თურქ კოლეგას ჰაკან ფიდანს შეხვდა.

ამკარაა, რომ რუსეთის მტკიცე სურვილი, შექმნას გაზის „ჰაბი“ თურქეთში, მოტივირებულია მისი განზრახვით შევიდეს ევროპულ ბაზარზე „უკანა კარიდან“, რომელიც მან დაკარგა. რუსული გაზის მიმართ ევროკავშირის ნეგატიური პოზიციის გათვა-

ლისწინებით. ასევე სავარაუდოა, რომ მილსადენში გამავალი გაზის წარმოშობა გაურკვეველი იქნება პროექტში გაზის სხვა მწარმოებლების ჩართვით. თუმცა, „გაზპრომის“ მიერ გამოგზავნილი საგზაო რუკის დეტალები უცნობია.

ევროპის მიერ რუსულ გაზზე დაწესებული ემბარგო, შეიძლება ჩაითვალოს თურქეთისთვის საკუთარ ტერიტორიაზე გაზის „ჰაბის“ შექმნის შესაძლებლობად. შედეგად, თურქეთს შეუძლია შეაგროვოს გაზი კასპიის რეგიონიდან და რუსეთიდან, და გადაიტანოს იგი დასავლეთში, რაც უზრუნველყოფს როგორც მნიშვნელოვან შემოსავალს, ასევე სტრატეგიულ უპირატესობას. მართლაც, როგორც ჩანს, თურქეთის ენერგეტიკული მენეჯმენტი მიზნად ისახავს ბუნებრივი გაზის ფიზიკურ ცენტრის შექმნას თრაკიაში და ბუნებრივი აირით ვაჭრობის ელექტრონულ ცენტრის სტამბოლის საფინანსო ცენტრში ჩამოყალიბებას, და რომ მუშაობა ამ მიზნის მისაღწევად მიმდინარეობს თუმცა, ცხადია, ცენტრის იდეის განხორციელება იოლი არ იქნება.

ენერგეტიკისა და ბუნებრივი რესურსების მინისტრის, ალფარსლან ბაირაქტარის ბოლო განცხადებების თანახმად, თურქეთი 2028 წლისთვის შავი ზღვის „საქარიას“ გაზის საბადოს ექსპლუატაციაში შესვლით, გაზის 150 მილიარდი კუბური მეტრის მოცულობის წლიური მწარმოებელი გახდება. იმის გათვალისწინებით, რომ მისი წლიური მოხმარება 50-60 მილიარდი კუბური მეტრის ფარგლებშია, შეგვიძლია ვივარაუდოთ, რომ თურქეთი მიზნად ისახავს საკუთარი ტერიტორიის გავლით გაზის ძალიან დიდი მოცულობის მიწოდებას. მილსადენი გაზის ევროპაში მომხმარებლების პოვნის მცდელობის ფარგლებში, 2023 წლის იანვარში ხელი მოეწერა ხელშეკრულებებს ბულგარეთთან 1,5 მილიარდი კუბური მეტრი წლიური მიწოდების შესახებ, ხოლო უნგრეთთან - 275 მილიონ კუბურ მეტრზე. აქედან გამომდინარე, ჯერ ვერ ვიტყვით, რომ არის მაინცდა მაინც დიდი მოთხოვნა ევროპის მხრივ.

თურქეთში გაზის „ჰაბის“ შექმნის იდეა ჩვენთვის ახალი არ არის. თუმცა, ამ საკითხში მნიშვნელოვანი პროგრესი დღემდე არ არის მიღწეული და დღემდე თურქეთი ტრანზიტულ ქვეყნად რჩება. საქართველოს და აზერბაიჯანს ამ მხრივ ახალი შესაძლებლობები შეიძლება გაუჩნდეთ...

„გაზპრომმა“ შესაძლოა ევროკავშირის „ღერეფანთან“, გაერთიანების იდეა გაიხსენოს

საინტერესოა, რომ ე. წ. თურქული „ჰაბის“ იდეამდე, ქართული „ჰაბის“ იდეა არსებობდა!

თავის დროზე ექსპერტები, გლობალური ენერგოპროექტების ფინანსური პრობლემების ფონზე, არ გამოირიცხავდნენ ევროკავშირის „სამხრეთის გაზის დერეფნის“ პროექტების გათვალისწინებას და გაზის



„ჩრდილოეთ-სამხრეთის მაგისტრალური“ და „სამხრეთკავკასიური“ გაზსადენები. სქემა 1.

დამატებითი მოცულობების მოზიდვის მიზნით, მათ სხვადასხვა ფორმით ტრანსფორმაციას. ერთ-ერთი ასეთი ტრანსფორმაციული იდეა იყო ევროპული და რუსული გაზის ნაკადების გაერთიანება ევროპის გაზმომარაგების გასაუმჯობესებლად. ეს საკითხი პირველად 2010 წლის დასაწყისში ექსპერტებს შორის დაისვა. 2011 წლის 10 იანვარს, ის კვლავ ნაშრომად აშშ-ს ელჩმა იტალიაში დ. ტორნმა. სამწუხაროდ, საქართველოში ამ პროექტზე მსჯელობა მთავრობაში ან პარლამენტში არ ყოფილა და დისკუსიები მხოლოდ ექსპერტულ წრეებში მიმდინარეობდა. ამგვარი გაერთიანების იდეას, რუსეთში მართალია მაშინ ღიად უარყოფდნენ, მაგრამ კულუარული ინფორმაციით ახლა უკრაინასა და ბელორუსიაში დასავლეთის მარშრუტის გაზსადენების სიმძლავრის სანახევროდ შეზღუდვამ, აგრეთვე „ჩრდილოეთის ნაკადი“ 1 და 2 წინაშე წამოჭრილმა პრობლემებმა, შეიძლება კატალიზატორის როლი ითამაშოს და „გაზპრომი“ აიძულოს, ევროპულ ბაზარზე თავისი გაზის ნაწილი არა თურქეთისკენ ახალი გაზსადენის აგებით, არამედ გაცილებით ნაკლებ დანახარჯიანი მარშრუტებითაც გადაგზავნოს. ამ პროექტებიდან უკრაინასთან, მხოლოდ ყველაზე ნაკლებად დამუშავებული, ჯერ იდეის დონეზე არსებული, „თეთრი ნაკადი“ (White Stream) - საქართველო-უკრაინა-რუმინეთის გაზსადენი იყო ასოცირებული, რომელიც ყირიმის ანექსიის პირობებში განუხორციელებელია. თანაც, უკრაინის გაზის ქსელის (GTS) გამტარუნარიანობა შეზღუდულია და ომის პირობებში ამ ქსელში ახალი მოცულობების ჩართვაზე ლაპარაკიც კი ზემდეტია. ექსპერტების გათვლებით, ომის შემდგომ უკრაინაზე ტრანზიტი, გაზზე ევროპის მზარდ მოთხოვნას მალე ვეღარ დააკმაყოფილებს.

ამიტომ, რუსული და ევროპული პროექტების არა უკრაინის საშუალებით, არამედ სხვა ფორ-

მატში გაერთიანებას, ახლა რუსეთმა შეიძლება დაუჭიროს მხარი. რუსულ ექსპერტულ წრეებში უკვე გაიჟღერა მოსაზრებამ, რომ შეიძლება მოსკოვში ევროპული „დერეფნის“ გაზსადენებთან რუსული აირის დაკავშირების ადგილის მოძიება დაიწყონ და ა/წლის ნოემბრიდან 2023 წლის მარტამდე აზერბაიჯანში 1 მლრდ კუბ.მეტრი რუსული გაზის მიწოდების შესახებ, „გაზპრომსა“ და „სოკარს“ შორის გაფორმებული შეთანხმება, ამ მიმართულებით გადადგმულ პირველ ნაბიჯად ჩაითვალოს.

დღევანდელ პირობებში, ერთადერთი ადგილი სადაც რუსეთის და კასპიისპირეთის გაზის დასავლური მარშრუტები იკვეთება, არის საქართველო. ერთი მხრივ, საქართველოში გადის „ჩრდილოეთ-სამხრეთის მაგისტრალური გაზსადენი“, რომელიც რუსეთის ქ. მოზდოკიდან საქართველოს ტერიტორიით სომხეთს უკავშირდება. მეორეს მხრივ, ის გარდაბნსა და ჯანდარას შორის კვეთს ევროკავშირის „დერეფნის“ პროექტს - „სამხრეთკავკასიურ გაზსადენს“ (SCP), რომლითაც ამჟამად „შაჰ-დენიზის“ ორივე სტადიის გაზი არა მარტო თურქეთს, არამედ მისი გავლით - TANAP და TAP გაზსადენებით, ევროკავშირის წევრ ქვეყნებსაც მიეწოდება (იხ. სქემა 1). SCP გაზსადენიდან საქართველო, სატრანზიტო მოსაკრებლის სახით, გატარებული გაზის 5%-ს იღებს უფასოდ, 5%-ს - შეღავათიან ფასად.

მოზდოკიდან სომხეთის საზღვრისკენ მიმავალი „ჩრდილოეთ-სამხრეთის მაგისტრალური გაზსადენი“ ორი დანყვილებული მილისგან შედგება, - ძირითადი მილის დიამეტრია 1200 მმ, ხოლო სათადარიგოსი, - 700 მმ. დღეს ამ გაზსადენის ძირითადი მილით გაზი სომხეთს და საქართველოში მოქმედ ზოგიერთ მსხვილ საწარმოს მიეწოდება. საქართველოს მოსახლეობა ე. წ. სოციალურ გაზს 2007 წლიდან აზერბაიჯანიდან იღებს - ნაწილს SCP-ი-

დან, „შაჰ-დენიზი 1“-ის და „შაჰ-დენიზი 2“-ის გაზის „დერეფანში“ ტრანზიტის საფასურად, და ნაწილს SOCAR-იდან ვყიდულობთ, რასაც კაზიმაგამედ-გაზხი-თბილისის გაზსადენით ვიღებთ.

სსრკ-ს დაშლის შემდეგ, მოზდოკი-სომხეთის „მაგისტრალური გაზსადენი“, საპროექტო სიმძლავრესთან შედარებით (ნლიურად 18 მლრდ კუბ.მეტრი), გაცილებით ნაკლები დატვირთვით (საშუალონლიურად 1.93-2.50 მლრდ კუბ.მეტრი) მუშაობს. თუმცა, საბჭოთა პერიოდშიც, მისი დატვირთვა არ აჭარბებდა ნლიურად 9.5 მლრდ კუბ.მეტრს. „მაგისტრალური გაზსადენიდან“ ტრანზიტის საფასურად „საქართველოს გაზისა და ნავთობის საერთაშორისო კორპორაცია“ 2018 წლამდე იღებდა რუსული ტრანზიტის 10%-ს, რაც 2008-2016 წლებში დლიურად 200 - 250 მლნ კუბმეტრის ფარგლებში მერყეობდა. ეს კი საქართველოს გაზის მოხმარების 11.0-11.2%-ია. 2018 წლიდან საქართველოზე ტრანზიტს „გაზპრომი“ ვალუტით ანაზღაურებს.

აღსანიშნავია, რომ როგორც სომხეთის კონტროლის პალატის ჯერ კიდევ 2009-10 წლების ენერგო-სისტემის შემოწმების მასალებიდან ირკვევა, სომხეთში იმპორტირებული ირანული გაზის ნაწილი საქართველოსაც მიეწოდებოდა, რის სანაცვლოდაც სომხეთში „ერევნის თბოელექტროსადგური“ იმ წლებში საქართველოდან იღებდა ელექტროენერგიას თანაფარდობით, - 1 კუბმეტრ ირანულ გაზში 4.5 კვტ/სთ ელექტროენერგია.

სომხეთში იგივე ელექტროსადგური, 1 კუბმეტრ ირანულ გაზში, რომელიც მას „არმროსგაზპრომის“ თავრიზი-მეგრის გაზსადენით მიეწოდებოდა, ირანს უბრუნებდა 3 კვტ/სთ ელექტროენერგიას. ნათელია, რომ „ერევნის თბოელექტროსადგური“ საქართველოში გატანილსა და ირანიდან მიღებულ გაზის ყოველ კუბ.მეტრს შორის 1.5 კვტ/სთ ელექტროენერგიის ტოლ სხვაობას იღებდა. ამის შედეგია, რომ თუ 2009 წელს „ერევნის თბოელექტროსადგურმა“ საქართველოში 259 მლნ დრამის გაზი შემოიტანა, უკვე 2010 წელს ეს მაჩვენებელი გაათმაგდა და 2.2 მლრდ დრამი შეადგინა, რამაც სომხეთს მაშინ საკმაოდ დიდი რაოდენობით იაფი ქართული ელექტროენერგია მისცა.

ზემოაღნიშნულიდან შეიძლება დავასკვნათ, რომ „მაგისტრალური გაზსადენის“ ერთ-ერთი მილით საქართველოს, ჯერ კიდევ 2009 წელს, ირანული გაზის მცირე რაოდენობა სომხეთის გავლით, უკვე მოეწოდებოდა. თუ ვთქვათ, ამ „მაგისტრალური გაზსადენის“ 1200 მმ-იანი მილი ქ. გარდაბანთან ევროპული „დერეფნის“ „სამხრეთკავკასიურ გაზსადენს“ (SCP) დაუკავშირდება, მაშინ ის შესაძლებელია გადაიქცეს რუსული გაზის ერთი ნაწილის დასავლეთში საექსპორტო ახალ მარშრუტად. ეს გაზი, SCP-ს გავლით, შემდგომში ევროპული „სამხრეთის გაზის დერეფნის“ სხვა გაზსადენებით, თურქეთიდან ევროპაში

გაიგზავნება. სომხეთის მოხმარებისთვის კი გაზი შეიძლება გაიგზავნოს 700-მმ-იანი სათადარიგო მილით. ამ სქემამ შესაძლოა ბრიუსელის მხრივ წინააღმდეგობა არ წარმოშვას ომის პირობებში რუსული გაზის იმპორტის დრამატულად შემცირების და გაზის ფასების ზრდის პირობებში. სავარაუდოდ, აშშ-ს მხრივაც გაზსადენების გაერთიანების იდეა კვლავ მხარდაჭერილი იქნება, რადგან ეს პროექტი ევროპაში გაზის საექსპორტო მარშრუტებს შორის კონკურენციის შესუსტებას ისახავს მიზნად. ამავე მიზეზით, ეს იდეა ევროკავშირის ფინანსური პრობლემების ფონზე, შესაძლოა მალე ბრიუსელისთვისაც მიმზიდველი აღმოჩნდეს. ეს ევროპას გაზომარაგების ალტერნატიული მარშრუტების განხორციელებას გაუადვილებს, ვინაიდან ევროკავშირის „სამხრეთის გაზის დერეფნის“ გაძლიერებით უკვე მოსკოვიც დაინტერესდება და მოიხსნება ამ „დერეფნისადმი“ რუსეთის ანტაგონიზმი.

მეტიც, ზოგიერთი ქართველი ექსპერტი თვლის, რომ ეს კავშირი რუსულ და ევროპულ პროექტებს ურთიერთშემავსებელს გახდის, რითაც საქართველომაც შეიძლება ნახოს სარგებელი. კერძოდ:

ჯერ ერთი, ამ გზით გაიზრდება საქართველოზე გამავალი რუსული, აზერბაიჯანული და ირანული გაზის ნაკადები. შესაბამისად, მოიმატებს ქვეყანაში უფასოდ და შეღავათიანად დარჩენილი გაზის მოცულობა. ამით შეივსება ნახევრად დაუტვირთავი SCP და „მაგისტრალური“ გაზსადენები, და საქართველოს სატრანზიტო ამონაგები გაიზრდება, ისე რომ დამატებით ხარჯების გაწევა არც ქვეყნის ბიუჯეტიდან და არც დასავლეთელი დონორების მხრიდან საჭირო არ იქნება, - აუცილებელი იქნება მხოლოდ მიღების გადაკვეთაზე, გარდაბნის მუნიციპალიტეტის სოფ. ჯანდარაში ე. წ. ინტერკონექტორის აგება.

მეორე, გაიზრდება ქვეყნის ენერგოუსაფრთხოება, რადგან SCP-სთან მიერთებით რუსეთი დაინტერესდება „მაგისტრალური გაზსადენის“ მაქსიმალურად შევსებით და მისი გამართული მუშაობით, რადგან ეს მილი რუსეთს ახალი მარშრუტით, მაღალი წარმადობის დასავლურ საექსპორტო გაზსადენებთან დააკავშირებს. ასევე, გაიზრდება დასავლეთის მიერ საქართველოს უსაფრთხო სატრანზიტო დერეფნად გამოყენების ინტერესი, რადგანაც საქართველო (და არა თურქეთი) გადაიქცევა გაზომარაგების რეგიონალურ კვანძად - „ჭაბად“. **მესამე,** SCP-სა და „მაგისტრალური“ გაზსადენების ურთიერთდაკავშირება ირანისა და სომხეთის ინტერესებსაც დააკმაყოფილებს. ირანის გაზის ექსპორტის ეროვნული კომპანიის დირექტორმა ამასწინათ განაცხადა, რომ ირანი აპირებს სამჯერ გაზარდოს გაზის ექსპორტი და მსოფლიო გაზით ვაჭრობაში თავისი წილი 2012 წლის 2%-დან 2023 წლის ბოლოსთვის 10%-მდე გაზარდოს. ჩინოვნიკმა ხაზი გაუსვა, რომ ამას თეირანი თავისი გაზის რუსეთში (რომელი მი-

ლით, უცნობია?! - არაა გამორიცხული, ისე როგორც 2006 წელს, გარკვეულმა ძალებმა ისევ დააყენონ „მაგისტრალური გაზსადენის“ პრივატიზების საკითხი, რაც დაუშვებელია რათა ეს ორი დანაყოფილებული მილი რევერსულად, ირანული გაზის რუსეთისკენ გადამისამართებისთვის არ იქნას გამოყენებული) და სხვა მეზობელ ქვეყნებში გატანით შეეცდება.

ენერგეტიკული დარგის ქართველი ექსპერტების (დ. ელიაშვილი, თ. გოჩიტაშვილი, ლ. ჯერვალიძე) ნაშრომებში მითითებულია, რომ „მაგისტრალური გაზსადენის“ ძირითადი მილი, რომლითაც ის ქ. გარდაბანთან SCP-ს შეუერთდება, შესაძლებელია მეორე ბოლოდან რევერსით, „თავრიზი-მეგრის“ გაზსადენის და სომხეთის გაზის ქსელის გავლით, გახდეს გარდაბნის მომავალ „ჭაბში“ ირანული გაზის სამხრეთიდან მიღების საშუალება. თავის დროზე - 2005-2006 წლებში, ამ აზრს, სრულიად სამართლიანად, „მაგისტრალური გაზსადენის“ პრივატიზაციის მონააღმდეგეები ავითარებდნენ. ეს იდეა სომხეთის ახლანდელი მთავრობისთვის მისაღებია, რადგან ამ გზით ის თავის დიდი ხნის ოცნებას აისრულებს და პანევროპულ პროექტში ჩაერთვება. თანაც, ერევანი რუსეთისაგან ტრადიციულ, სტაბილურ გაზმომარაგების წყაროს, ხოლო ირანიდან - უკვე გაზის სატრანზიტო მოსაკრებლებს მიიღებს. ამასთან, რუსეთიდან სომხეთის გაზმომარაგება ჩვეულებრივ გაგრძელდება „მაგისტრალური გაზსადენის“ 700 მმ-იანი სათადარიგო მილით, რომლის სიმძლავრე, სომხეთის დღევანდელ მოთხოვნილებას (2011-2021 წწ. ეს მაჩვენებელი საშუალონლიურად დაახლოებით 2.5 მლრდ კუბმეტრი იყო), სრულად დააკმაყოფილებს.

ამრიგად, გარდაბნის რუსულ-აზერბაიჯანული გაზის „ჭაბი“ რეგიონის ყველა ქვეყნის, და რაც მთავარია - საქართველოს, ინტერესებს დააკმაყოფილებს. ერთადერთი პრობლემა ამ პროექტის განხორციელებაში ანტირუსული და ანტიირანული სანქციებია!

შეუძლია თუ არა რუსეთს ი.წ. თურქული „ჭაბით“ გაზის პროკავშირში ფარულად შეტანა

რუსეთი, შესაძლოა, იმედოვნებს, რომ ირიბად შეინარჩუნებს ევროპაში თავისი ყოფილი ბაზრის ნაწილს. ამიტომ, რუსეთი ხელს უწყობს თურქეთს რომ ის ჩამოყალიბდეს როგორც ევროპაში მისი გაზის მიწოდების „ჭაბი“. ანალიტიკოსები კითხულობენ, არის თუ არა ეს ანტირუსული სანქციების თავიდან აცილების ხრიკი და ფარულად გაგრძელება თუ არა რუსული გაზის ექსპორტი ევროკავშირის წევრებისთვის, რომლებიც ცდილობენ თავი დააღწიონ რუსეთზე ენერგო-დამოკიდებულებას. ევროკავშირის ბევრმა წევრმა პირობა დადო, რომ უახლოეს წლებში მთლიანად შეაჩერებს რუსული გაზის იმპორტს.

რუსეთის პრეზიდენტმა ვლადიმერ პუტინმა 2022 წლის ოქტომბერში შესთავაზა თურქეთს შექმნას ევროკავშირისთვის გაზის მიწოდების „ჭაბი“, მას შემდეგ რაც 2022 წლის 26 სექტემბერს აფეთქებებმა გაანადგურა ორივე „ჩრდილოეთ ნაკადის“ გაზსადენის ოთხიდან სამი მილი, რომლებიც გადის ბალტიის ზღვის ფსკერზე.

რუსეთს აქვს დარჩენილი რამდენიმე ვარიანტი ევროპაში გაზის გასაგზავნად. რუსეთისა და პოლონეთის მიერ ურთიერთისთვის დანესებულმა სანქციებმა და კონტრსანქციებმა ხელი შეუშალა რუსული გაზის დასავლეთის მიმართულებით გადინებას წლიურად 33 მილიარდი კუბური მეტრი წარმადობის „იამალი-ევროპის“ მილსადენით, რომელიც კვეთს რუსეთიდან ბელარუსს და უკავშირდება პოლონეთს.

იმავედროულად, რუსეთის მიერ უკრაინაში პროვოცირებულმა ომმა შესაძლოა ყოველ წუთს გამოიწვიოს 100 მილიარდი კუბური მეტრის რუსული გაზის ტრანზიტის შეწყვეტა რუსეთ-უკრაინის მარშრუტით. ამდენად, სტაბილური გაზმომარაგება ევროპას რჩება მხოლოდ წელიწადში 31,5 მილიარდი კუბური მეტრის წარმადობის მილსადენით „თურქული ნაკადით“, რომელიც გადის შავი ზღვის ფსკერზე, როგორც მოქმედი სატრანსპორტო მარშრუტი, თუმცა მისი სიმძლავრის მხოლოდ ნახევარი გამოიყენება გაზის ევროპაში გადასატანად, დანარჩენი კი თურქეთის ბაზარს ეთმობა. და ჯერ კიდევ 2003 წელს აგებული, ასევე რუსეთიდან თურქეთში, შავი ზღვის ფსკერზე გაშვებული 16 მლრდ კუბ.მეტრი გაზის წლიური წარმადობის მილსადენით „ცისფერი ნაკადი“...

რუსეთის წინადადებაა, რომ კიდევ ორი მილი დაემატოს „თურქულ ნაკადს“, რათა გაორმაგდეს მისი სიმძლავრე. თავად თურქეთის ბაზარი უკვე გაჯერებულია, მაგრამ თურქეთს აქვს წვდომა არა მხოლოდ აზერბაიჯანულ და ირანულ გაზზე, არამედ თხევად გაზზეც (LNG), რასაც ყატარიდან და ალჟირიდან ყიდულობს. ასევე, თურქეთი მიზნად ისახავს პირველი საკუთარი ბუნებრივი აირის მოპოვებას ოფშორული „საკარიას“ საბადოდან 2024 წელს, რომელიც სავარაუდოდ დაფარავს მის მზარდ მოთხოვნას გაზზე მომდევნო წლების განმავლობაში. თეორიულად, თურქეთს შეუძლია ევროპაში გადაამისამართოს მთელი რუსული, აზერბაიჯანული და ირანული გაზი, რომელიც ევროპის მილსადენების სისტემაში კონტინენტის სამხრეთ-აღმოსავლეთიდან იქნება გადატუმბული.

მოსკოვი არ მალავს თავის ამბიციებს. კრემლს სურს თურქეთში რუსული გაზის გაგზავნა ევროპაში შემდგომი ტრანსპორტირებისთვის რადგანაც მოსალოდნელია, რომ ევროკავშირის უფრო და უფრო მეტი წევრი ქვეყანა და კომპანია ეტაპობრივად შეწყვეტენ რუსული გაზის მოხმარებას

მომდევნო წლების განმავლობაში. რუსეთის გეგმა, როგორც ჩანს, არის ქარბი გაზის მიწოდება თურქეთისთვის, რომელიც შემდგომში ევროპელ მყიდველებზე იქნება გადაყიდული.

ბუნებრივი აირის „ჰაბში“ მოხვედრილი გაზის მოლექულები არ განსხვავდება ერთმანეთისგან. და იმის გადანყვება, თუ რა რაოდენობისაა რუსული წარმოშობის გაზი, რომელსაც ევროპა თურქეთიდან იღებს, რთული გასარკვევია. მაგალითად, უკრაინამ წლების წინ შეწყვიტა გაზის იმპორტი რუსეთიდან და მისი იმპორტის დიდ ნაწილს პოლონეთიდან და სლოვაკეთიდან იღებს; თუმცა, ეს გაზი საბოლოო ჯამში, ხომ რუსული წარმოშობისაა!

თურქეთში გაზის „ჰაბის“ შექმნის გეგმები ჯერ კიდევ საწყის ეტაპზეა და მის ხორცშესხმას წლები დასჭირდება. არც მოსკოვს და არც ანკარას არ გაუკეთებიათ კომენტარი მისი შექმნის ზუსტ ვადებზე, ან ახალი მილსადენის ინფრასტრუქტურის ხარჯთაღრიცხვაზე. მაგრამ თუკი „თურქული ნაკადის“ (TurkStream) აგება ღირდა დაახლოებით 12 მილიარდი დოლარი, შეიძლება ვივარაუდოთ, რომ მისი სიმძლავრის გაზრდა წელიწადში 63 მილიარდ კუბურ მეტრამდე დაახლოებით 5-ჯერ მეტი დაჯდება.

აღსანიშნავია, რომ „თურქული ნაკადის“ წარმადობა თავდაპირველად გათვალისწინებული იყო 60 მილიარდი კუბური მეტრის ოდენობით, მაგრამ მოსკოვმა გადაწყვიტა მისი სიმძლავრის განახევრება 2015 წლის ოქტომბერში, რადგან თურქეთმა, ადრე შეპირებულთან შედარებით, უფრო ნაკლები ინტერესი გამოხატა რუსული გაზის შესყიდვაზე. რამდენიმე თვით ადრე გაზპრომმა და მისმა ევროპელმა პარტნიორებმა ასევე წარადგინეს „ჩრდილოეთ ნაკადი 2“-ის (Nord Stream 2) გეგმა, რომელიც ითვლებოდა უკეთეს, ტრანზული ქვეყნების გვერდის ამქცევ მარშრუტად ევროპაში რუსული გაზის გასაგზავნად, განსაკუთრებით იმის გამო, რომ მაშინ მოსალოდნელი იყო გერმანიასთან ენერგეტიკული კავშირების გაძლიერება.

აზერბაიჯანის გარეშე, რუსეთს გაუჭირდება „თურქული ნაკადის“ ძვირადღირებული გაფართოების სამუშაოების განხორციელება, დასავლეთის მიერ მისი ეკონომიკური იზოლაციის ფონზე - სწორედ საერთაშორისო დაფინანსებაზე ხელმისაწვდომობაა მთავარი დაბრკოლება. მაგრამ მოსკოვს შეიძლება ასევე ჰქონდეს იმედი, რომ ევროკავშირი ამისთვის რაღაცას მაინც გააკეთებს.

ევროკომისიის პრეზიდენტი ურსულა ფონ დერ ლაიენი პირადად გაემგზავრა ბაქოში 2022 წლის ივლისში, რათა ხელი მოეწერა შეთანხმებას, რომელიც აორმაგებს აზერბაიჯანის გაზის ევროპაში მიწოდებას. ევროკავშირი ითხოვს 2027 წლისთვის წელიწადში 20 მილიარდი კუბური მეტრი აირის შეძენას. ამის გაკეთებას დასჭირდება კასპიის ზღვის საბადოების შემდგომი განვითარება და „სამხრე-

თის გაზის დერეფნის“ (SGC) მილსადენის ქსელის გაფართოება, რომელიც თურქეთიდან სამხრეთ ევროპაში გადის.

როგორც ზემოთ აღინიშნა, მიუხედავად იმისა, რომ ბრიუსელ-ბაქოს შეთანხმება მიზნად ისახავს რუსული გაზის მიწოდების ჩანაცვლებას, მან შესაძლოა მოსკოვს გარკვეული შესაძლებლობაც მისცეს. შესაბამისად, ევროპაში იმპორტის სანქციონირების გამო, რუსეთს შეუძლია უფრო მეტი გაზიც მიჰყიდოს აზერბაიჯანს, დაფაროს მისი შიდა მოთხოვნის უმეტესი ნაწილი, და ეს თავის მხრივ, აზერბაიჯანს აირის უფრო მეტ მოცულობას გაუთავისუფლებს ევროკავშირში გასაგზავნად. ეს, რა თქმა უნდა, ძირს უთხრის ევროკავშირის ძალისხმევას, ჩამოერთვას რუსეთს გაზის გლობალური ბაზრის წილი - რუსული გაზი უბრალოდ სხვაგან გაიყიდება...

რუსეთი ახორციელებს მსგავს სქემას ნავთობზე საუდის არაბეთის სამეფოსთან (KSA): რუსეთი მასზე ყიდის ნავთობს, რომელსაც ეს უკანასკნელი ამუშავებს თავისი შიდა საჭიროებისთვის, და ამით ათავისუფლებს მეტ არასანქციონირებულ ნავთობს საექსპორტოდ. მიუხედავად იმისა, რომ აზერბაიჯანისთვის მეტი გაზის მიყიდვის სტრატეგია და თურქეთის გამოყენება ევროპაში გაზის უწყვეტი, მაგრამ არაპირდაპირი მიწოდების გამტარად, იქნება მოსკოვის ლოგიკური პასუხი ევროკავშირის ვალდებულებაზე, განყვიტოს ენერგეტიკული კავშირები რუსეთთან, მაგრამ ეს სქემა ასევე შეიცავს რისკებს. კერძოდ:

- უპირველეს ყოვლისა, ეს თურქეთს უაღრესად ხელსაყრელ მდგომარეობაში ჩააყენებს, რომელსაც შეუძლია შეწყვიტოს რუსული გაზის დიდი მოცულობების ევროპაში ექსპორტი ორ ქვეყანას შორის ურთიერთობების შესაძლო განწყვეტის შემთხვევაში. ბოლო პერიოდში რუსეთსა და თურქეთს არასახარბიელო ურთიერთობა ჰქონიათ - განსაკუთრებით 2015 წლის ბოლოს, როდესაც თურქეთის საჰაერო ძალებმა ჩამოაგდეს რუსული გამანადგურებელი, რომელიც სირია-თურქეთის საზღვართან მიფრინავდა. მომდევნო წლებში მხარეებმა მიაღწიეს დაახლოებას;

- ასევე თურქეთის გავლით გაზის ტრანზიტი ანკარას დიდ სატრანზიტო შემოსავლებს მისცემს. სწორედ არასატრანზიტო სტატუსმა გახადა „ჩრდილოეთის ნაკადი 1 და 2“ მილსადენები (Nord Stream 1,2) რუსეთისთვის ყველაზე სასურველ მარშრუტად - სატრანზიტო გადასახადები ამ მიწებით გაზის გადატუმბვისას არ იყო საჭირო და იაფი რუსული გაზი ევროპის შუაგულში, რუსული ვიზორგიდან გერმანულ გრეიფსვალდში, ტრანზიტული ქვეყნების გვერდის ავლით შედიოდა. მაგრამ, თუ რუსული გაზი ევროპაში თურქეთის გავლით, ფარული გზით გაიყიდება, მაშინ ტრანზიტის საფასური გაიზრდება, ვინაიდან თურქეთი იყიდის გაზს საბაზრო ტარი-

ფით, შემდგომში კიდევ უფრო მაღალ ფასად მის გასაყიდად;

- და ბოლოს, იმავდროულად ნათელია, რომ აზერბაიჯანის გაზის ბაზარი რუსეთს არ შესთავაზებს ისეთივე მაღალ ანაზღაურებას, რასაც ევროპა უზრუნველყოფს. თუმცა, მიმდინარე ომის ფონზე, ევროპაში „გაზპრომის“ საბაზრო წილის უმეტესი ნაწილის შეუქცევადი დაკარგვის საპიროვნოდ, აზერბაიჯანულ-ქართულ-თურქული მარშრუტებით ექსპორტი შეიძლება იყოს საუკეთესო ვარიანტი მოსკოვისთვის, განსაკუთრებით იმის გამო, რომ რუსეთს გაცილებით მეტი დრო და ფული დასჭირდება აღმოსავლეთ და სამხრეთ აზიის - ჩინეთის და ინდოეთის მიმართულებით გაზის დამატებითი საექსპორტო ინფრასტრუქტურის განვითარებისთვის. საჭიროა არ დავაგვიანოთ „ჯანდარას ინტერკონექტორის“ განხილვა-რეალიზაცია.

გამოყენებული ლიტერატურა:

1. Zurab Garakanidze, Some problems of investing in the Free Industrial Zones. REVIEWABLE QUARTERLY MAGAZINE. Vol. 4, 2015. <http://www.Business-Engineering.bpengi.com>; pp. 46-50 (Georg.);
2. Zurab Garakanidze. Georgian challenges of the New Silk Road. Business-Engineering REVIEWABLE QUARTERLY MAGAZINE. Vol. 3, 2015. <http://www.Business-Engineering.bpengi.com>; pp. 98-107 (Georg.);
3. 3. Гараканидзе. Короли и пешки. Business Time Georgia. <http://www.btime.ge/>; Тбилиси. Февраль, 2015. стр. 72-77;
4. Zurab Garakanidze. The Oil Price grows. Business Time Georgia. <http://www.btime.ge/>; Tbilisi. January 2015. pp. 19-22;
5. 3. Гараканидзе. Выгодная труба. Business Time Georgia. <http://www.btime.ge/>; Тбилиси. Декабрь 2014. стр. 62-65;
6. 3. Гараканидзе. Экономика по-соседски. Business Time Georgia. <http://www.btime.ge/>; Тбилиси. Ноябрь 2014. стр. 74-76;
7. 3. Гараканидзе. Эхо санкций в Грузии. Business Time Georgia. <http://www.btime.ge/>; Тбилиси. Октябрь 2014. стр. 14-17;
8. 3. Гараканидзе. Игры с западом. Business Time Georgia. <http://www.btime.ge/>; Тбилиси. Октябрь 2014. стр. 40-44;
9. 3. Гараканидзе. Санкции к бою. Business Time Georgia. <http://www.btime.ge/>; Тбилиси. Сентябрь 2014. стр. 28-31;
10. 3. Гараканидзе. Газовые перипетии. Business Time Georgia. <http://www.btime.ge/>; Тбилиси. Сентябрь 2014. стр. 36-39;
11. 3. Гараканидзе. Каспийское напряжение.

Business Time Georgia. <http://www.btime.ge/>; Тбилиси. Август 2014. стр. 26-29;

12. 3. Гараканидзе. Энергосинхронизация. Business Time Georgia. <http://www.btime.ge/>; Тбилиси. Август 2014. стр. 18-21;
13. 3. Гараканидзе. Газовое противостояние. Business Time Georgia. <http://www.btime.ge/>; Тбилиси. Июль 2014. стр. 38-41;
14. 3. Гараканидзе. Захват ресурсов. Business Time Georgia. <http://www.btime.ge/>; Тбилиси. Июль 2014. стр. 26-29;
15. 3. Гараканидзе. Политика на трубах. Business Time Georgia. <http://www.btime.ge/>; Тбилиси. Июнь 2014. стр. 62-66;
16. 3. Гараканидзе. Процентные колебания. Business Time Georgia. <http://www.btime.ge/>; Тбилиси. Июнь 2014. стр. 28-31;
17. 3. Гараканидзе. Крымский шах и мат. Business Time Georgia. <http://www.btime.ge/>; Тбилиси. Май 2014. стр. 30-33;
18. Z. Garakanidze, S. Pavliashvili. Transport Corridor in Georgia – problems and perspectives. (Monography); University Tbilisi, “Mtsignobari”; 2014 (Georg.);
19. Zurab Garakanidze. Global and Regional Energy - Projects for Georgia - Russia relations. PP. 89-104. Conference of the Georgian PSA, July, 2013, Tbilisi (Georg.);
20. Zurab Garakanidze. INFLUENCE OF THE MIDDLE EAST TENSION ON THE EU’S SOUTHERN GAS CORRIDOR (co-author). THE Caucasus & Globalization. Journal of Social, Political and Economic Studies. Volume 7, Issue 1-2 2013; http://www.ca-c.org/c-g/2013/journal_eng/c-g-1-2/07.shtml
21. Zurab Garakanidze. REGIONAL ENERGY PROJECTS FOR GEORGIAN-RUSSIAN RELATIONS. THE Caucasus & Globalization. Journal of Social, Political and Economic Studies. Volume 6 Issue 3 2012; http://www.ca-c.org/c-g/2012/journal_eng/c-g-3/00.shtml
22. Zurab Garakanidze, Solomon Pavliashvili. The Transport Corridor in Georgia – Problems, Perspectives. Monograph. University of Tbilisi, “Mtsignobari”, 2014 (Georg.);
23. Zurab Garakanidze. Regional Energy Projects for Georgia - Turkey - Russia relations. Turkey, CESRAN, Political Reflection. Vol. 3 | No.3; 2012, p.29-39. http://cesran.org/index.php?option=com_content&view=article&id=1471%3Aregional-energy-projects-for-georgia-turkey-russia-relations&catid=57%3Arussiaeurasiaanalysis&Itemid=312&lang=en
24. Zurab Garakanidze. Russian Government’s “Selective” Anti-corruption Campaign in the Energy Sector. Turkey, CESRAN, Political Reflection. Vol. 3 | No.2; 2012, p.66-72. http://cesran.org/index.php?option=com_content&view=article&id=1411&Itemid=224&lang=en